



# Synfocity = 351

28<sup>th</sup> July, 2011

mail us at : [synfo@bsnl.in](mailto:synfo@bsnl.in); [synfo@yahoo.com](mailto:synfo@yahoo.com) - Phone - 2314648

- ❑ **Presbyterian Hospital Graduation Day**  
 July 26 (Thawhlethni) khan Presbyterian Hospital Durtlang chuan Hospital Chapel-ah Graduation Day vawi 11-na an hmang. Inkhawm hi Hospital Director Dr. Lalremthangan kaihruiin Senior Executive Secretary Rev. Vanlazuata chu khuallian a ni a. Nursing School Principal C. Lalrintluangin School report pein Nursing Superintendent-in Nurse zir chhuakte hnenah certificates a hlan a ni.  
 Khuallian Senior Executive Secretary Rev. Vanlazuata chuan thu sawiin, Nurse zirchhuak tate chu lawm chung a Lalpa rawng bawl turin a chah a, "Mihring tu pawhin lawmna kan mamawh a, Hospital-a thawk Doctor leh Nurse te lawmna hi midang tan a tangkai bikin a hriat a, in lawmna leh in hlimna hi damlo tan damdawi a tlin avangin khawi hmunah pawh thawk ula lawm chungin Lalpa rawngbawl ang che u", tiin a fuih a ni.  
 Tuna zir chhuak tate hi kum 2007 Batch niin an vaiin mi 31 an ni a. Heng zingah hian mipa (male nurse) pahnih an tel. Khuallian Rev. Vanlazuata chuan nurse tithate hnenah award a hlan a, Lalrinpuii d/o T. Zarmawia, Champhai Vengsang chu Best Nurse atan thlan a ni a, Best Academic Performance Award a dawn bakah Merit Prizes of Internship Year award-ah pakhatna a ni bawk. Merit Prizes of Internship Year-ah hian lawmman pathumna thleng siam a ni a, pahnihna leh pathumna latute chu Lalhnehzovi Sailo d/o Lalsawmkima, Ngopa leh Zosangliani d/o Zohmangaiha, Keifang te an ni.  
 Presbyterian Hospital Nursing School hi 1928-a din tan a ni a, tun tuma mite nen hian nurse 914-in an zir chhuak tawh a, zirlai 30 lak thin chu 40-ah tihpun a ni tawh dawn bawk a ni.
- ❑ **New Enterprise International Retreat**  
 July 24 - 30 chung hian New Enterprise International Retreat, Pranburi, Thailand-ah neih mek a ni a, Synod Mission Board Secretary Rev. Lalchhuanmawia a tel.  
 He retreat-ah hian Pathian thua inpawlhona leh palaite hnen atangin reports ngaihthlak thin a ni a, Rev. Lalchhuanmawia pawhin July 29 (Zirtawpni) hian thu a sawi ang.  
 Retreat hman zawh hnu hian Rev. Lalchhuanmawia hian Cambodia rama Missionary te a tlawh nghal bawk ang.
- ❑ **Zin**

  - ♦ July 26 - August 1 chhunga Whitefield, Bangalore-a awm tur Committee on Ecumenical Relations & Church Ministries-ah Rev. Zosangliana Colney, Executive Secretary a tel ang.
  - ♦ July 28 - August 1 chhung hian Shillong Pastor Bial huapin Shillong Mizo Kohhranah Account Training neih a ni dawn a, Shillong Bial chhunga Kohhran Hmeichhia leh Kristian Thalai Pawl pawh tel tura sawm an ni. Training neihpui tur hian Upa C. Lalmuankima, Asst. Finance Manager leh Upa P.C. Lalhmachhuana, Revival Speaker te an kal ang.
- ❑ **BSI General Secretary thar**  
 Rev. Dr. Mani Chacko, tuna Director, Ecumenical Christian Centre, Whitefield, Bangalore chu August 1, 2011 a zawm turin Bible Society of India General Secretary atan nimin (July 27) khan ruat thar a ni. General Secretary ruattu zingah hian Rev. C. Rosiama, Vice President, Bible Society of India pawh a tel.
- ❑ **Kohhran Hmeichhia**  
 July 29 - 31 chhung hian Sialsuk Bial huapin Sialsuk Kohhranah Leadership Training & Kristian Chhungkaw Campaign neih a ni dawn a, Central Kohhran Hmeichhe hruaitu - Pi Lalntlanmawii, Chairman; Pi Lalnuntluangi, Committee Member leh Pi Lalrinzuali, Committee Member te an kal ang.
- ❑ **Music**  
 July 27 & 28 hian Kawrtethawveng Kohhranah Pu Benjamin Sailo, Synod Music Instructor leh Upa C. Biaksanga, Bawngkawn (Music Executive Committee member) ten Solfa Training an neihpui.
- ❑ **MSSU**  
 July 30 (Inrinni) hian Republic Veng Kohhranah Rev. Challianggura (Zirlaibu ziaktu), Upa Lalchhuanawma, Zuangtui (MSSU Trainer), Upa Hriithansanga, Mission Vengthlang (MSSU Trainer) leh Pu Lalthahluna Ralte, MSSU Asst. Coordinator ten Sunday School Zirtirtu Training an neihpui dawn.
- ❑ **Social Front**  
 July 31 (Pathianni) chawhma leh chawhnu hian Saron Veng Kohhranah Social Front Awareness Campaign neih a ni dawn a, Dr. Robert S. Halliday, Social Front Coordinator-in a neihpui ang. Dr. Robert S. Halliday hian August 1 (Thawhtanni) hian Tuikual Branch KTP Inkhawmah 'Tunlai Thalaite mamawh' tih thupui a zirpui leh ang.
- ❑ **Synod Partnership Committee puipate**  
 Synod Executive Committee (SEC) 230:20-in Synod Partnership Committee kaihruiina enthat rawtna a pawm bawhzuia entha tura a ruatten ruahmanna an siam SEC 234:20-in a pawm angin kum 2011 - 2012 chhunga Synod Partnership Committee puipa atan heng mite hi ruat an ni :

**Chairman** : Rev. Lalzuithanga, Executive Secretary i/c Partnership Committee  
**Secretary** : Dr. Robert S. Halliday, Co-ordinator i/c Social Front  
**Member-te** : 1. Rev. Lalchhuanmawia, Secretary, Synod Mission Board  
 2. Upa F. Lalsangliana, General Manager, PRESCOM  
 3. Rev. Lalbiakvulmawia, Mission Vengthlang  
 4. Upa Lalthlengliana, Mission Veng  
 5. Rev. R. Lalengkima, Chhinga Vengthlang
- ❑ **Tentmaker Missionary**  
 Tentmaker Missionary tirh lai mek mi pathumte chuan an term an hman zawh tak avangin an hna pawhseisak an dil a, kum thum chung atan rawih nawn leh an ni. Chungte chu :-  
 a) H. Laltleipua, Alipur Hospital, Cachar  
 b) Zairemtluangi Khiangte, Phnom Penh, Cambodia  
 c) Ronald Lalnunmawia Royte, Kanpur

- ❑ **Synod-in tanpuina pe**  
 Synod Partnership Committee wawi 13-nain a rel angin a hnuai tarlante hi Partnership Budget atangin tanpuina Rs. 50,000/- theuh pek (sanction) an ni :

1. Set Free ministries India	4. SHALOM, Jowai
2. Varanasi Mission	5. Cachar Hill Tribes Synod (CHTS), Jeme Naga
3. Lairam Isua Krista Baptist Kohhran (LIKBK) Hospital tanpuina	
- ❑ **Literature Seminar**  
 July 23 & 24 Khan Reiek Kohhranah Literature Seminar neih a ni a, seminar hi Rev. Thangzauva, SL&PB Editor; Upa H. Ronghaka, SL&PB Jt. Editor leh Upa B. Bawlkhuma, Compare Assistant, SL&PB ten an neihpui a ni.
- ❑ **Kristian Thalai Pawl**

  - ◆ **Bial KTP hruaitu Training**  
 Kumin 2011 KTP Rorel 'Bial hruaitute Training buatsaih ni rawh se' tih chu Central KTP Committee-in bawhzuiin a thaawhkhatna atan July 30 (Inrinni) hian Ramhlun South YMA Hall-ah neih a ni ang. Central KTP Committee chuan Bial hrang hrangte Group 10-ah siamin tun tumah hian Group 1 ten training hi an nei dawn a, Bial Office Bearers-te kim taka tel turin an beisei a ni.  
 Group No. 1-in a huam Bial te chu : Dawrpui, Electric Veng, Armed Veng, Chhinga Veng, Ramthar Veng, Chaltlang, Ramhlun North, Ramhlun, Chanmari, Durtlang, Zemabawk, Bawngkawn, Leitan, Thuampui, Dawrpui Vengthar, Vaivakawn, Luangmual, Zonuam, Tanhril, Chawnpui, Tuikual, Sihphir, Lungdai, Bukpui, N. Hlimen, Thingsulthlah, Sesawng leh Reiek te an ni a, Central KTP hruaitute an tel bawng ang.  
 Training hi chawhma dar 10:00-ah tan a ni ang a, Rev. P.C. Pachhunga, Synod Secretary-in programme kaihruiin hunserh a hmang ang. Tual Upa Dr. C. Zarzoliana, CKTP Asst. Secretary hnen atangin Thupuan ngaihthlak a ni ang a, Female Voice - Ramhlun North KTP hnen atangin ngaihthlak a ni ang. 'Kristian Thalai Pawl sum vawn dan inkaihhruaina' tih thupui hmangin Pu Vanlaltinga, Finance Secretary, CKTP-in thu a sawi ang.  
 Session II-ah 'HIV/AIDS chungchang' tih thupui hmangin Dr. Lalchandama, Pathology, Civil Hospital, Aizawl in thu a sawi ang a, Session III-ah Rev. K. Lalpiangthara, CKTP Leader-in hun a kaihrui ang a, Female Voice - Ramhlun North KTP hnen atangin ngaihthlak leh a ni ang a, Upa Lalrinmuana, CKTP General Secretary-in 'Branch, Bial leh Central thawhhona' tih thupui a sawi ang. Hemi hnu hian sawihona hun neih leh a ni ang a, Pu Zohmingliana, CKTP Asst. Leader hnen atangin Lawmthu sawina hun hman a ni ang.  
 August 5 (Zirtawpni) hian a thawh hnihna atan Bial hrang hrang pakua-ah Bial KTP hruaitu Training hi neih leh a ni ang a, Central KTP Committee Member-te insemdarhin Group tinah an tel ang.

    - ◆ July 30 (Inrinni) zan hian Ramhlun Kohhranin Music Festival an hman turah Upa Lalrinmuana, CKTP General Secretary-in thu a sawi ang.
    - ◆ July 31 (Pathianni) zan hian Tuikual Kohhranah Mizoram Synod Choir-ten CKTP programme-in Taiwan zin report an pe dawn a, Central KTP hruaitute an telpui ang.
- ❑ **Susamachar Prasaran Programme**  
 July 31 (Pathianni) tlaiah Hindi Programme (Susamachar Prasaran) LPS & Zonet Cable atangin hetiang hian tih chhuah a ni ang : **Group/Choir/Solo** : Chawnpui Kohhran - Saron Ka Gulab, **Group/Choir/Solo** : Tuikual Pastor Bial - Prabhu Mere, **Sermon** : Rev Vanlalbela - Isu Jevan Data He, **Group/Choir/Solo** : Kulikawn Masihi Sangati Zaipawl - Dilse, **Group/Choir/Solo** : Himali Kohhran Zaipawl - Torde Nafratky Diwar, **Solo** : H. Vanlalringa - Prabu\_Tera\_Pyar

## HNA ZAWRHNA

Synod Press-ah Contract-a Computer Operator hna thawk tur pakhat mamawh a ni a. HSLC leh a chung lam, Printing Press-a kum thum (3) tal thawk tawh, Word Processing leh Graphic Software thiam tak tan a hnuaia hming ziak hnenah hian August 3, 2011 thlengin dilna theluh theih a ni.

🕒 **Interview hun** : August 5, 2011 (Zirtawpni) Dar 11:00 A.M.

🕒 **A hmun** : Senior Executive Secretary Room, Synod Office

Dilnaah hian Certificate leh Marksheet neih ang ang leh Kohhran lehkha thil tel tur a ni e.

**Upa F. Lalsangliana**  
**General Manager**  
**PRESCOM Department**

## PATHIAN THU ZIR DUH TAN

Presbyterian Bible School, Mission Veng, Aizawl-ah Session 23-na atan Certificate in Theology (C.Th) Admission hawn a ni a. Dil duhte tan Office hun chungin Application Form Rs. 10/- a lei theih a ni.

🕒 **Dil hun chung** : September 5, 2011 (Thawhtanni) tlai dar 3:00 thleng

🕒 **Dil thei chin** : Class VII passed, kum 16 chin, Kohhran dan chungung awm

🕒 **Interview** : September 6, 2011 (Thawhlejni) zing dar 10:00

🕒 **Class tan hun** : September 7, 2011 (Nilaini)

🕒 **Zir hun chung** : September - December, 2011

🕒 **Stipend** : Zirlai pakhat hnenah thla tin Rs. 300/- pek a ni. Hostel a awm lo.

Hrechiang duh tan Phone No. 2317343/9436352792-ah zawh theih a ni.

**Rev. V. Lawmkima,**  
**Principal**



WWW.MIZORAMSYNOD.ORG

Mail us at : [synfo@bsnl.in](mailto:synfo@bsnl.in) [mizoramsynod@gmail.com](mailto:mizoramsynod@gmail.com)  
[synfo@yahoo.com](mailto:synfo@yahoo.com)

Synod Information & Publicity  
 Phone - 2314648

**Synfo**